



Senin, 28 Maret 2022

Ogen: Daniel 1:8-15



TETAPKEN UKUR



Lit nina belas-belas 'anda adalah apa yang anda makan'. Enda ngatakenca maka kai sipan kita e mbelin mpengaruhi dirinta. Perukuren, kesehaten ras pendahinta mbelin kal ipengaruhi kai si ipan kita. Ibas man ras siman pangan, kita megati iperhadapkan kubas pilihan. Jenisna ras rasa enda pe mpengaruhi 'kenikmaten' panganta. La saja pangan si ntabeh tapi si sehat perlu kal jadi pertimbangken khususna ibas kita milih ras nikapkenca. Adi siperdiateken genduari erbage-bage bahan ras jenis 'olahen' pangan siitawarken man banta. Tapi tep tep kalak bebas nentunen pilihenna sue ras kecibal daging kulana. Adi siperdiateken ibas jamanta genduari enda, erbage-bage kecibal geluhta subuk pinakit si lit ngedenden si merluken perhatin si khusus guna pangan ras inemen si pilih kita. Lit ka deba guna njaga daging kula gelah tetap sehat, langsing ras mejile man tatapen. Ertina, sebagian jelma enggo rukur kai siiperluken daging kula rikut ras kiniulinna. La terjeng mbesuri ras mpepuaskan babahna ras selerana saja.

Bagenda me Daniel si enggo ringan Iibas istana Nebukadneser, ia jadi kalak pilihan si ididk ras isikapken guna sierdahin I negeri e pepagi. Ibas 'fasilitas' siialokenna la kepeken ia terlena, itandaina dirina selaku kalak Jahudi. La ia tergoda ibas erbage jenis pangan sienggo ielaken man bana. Tetap kal ukurna nggelem ajaren ras aturen agamana kerna pangan e. Ipindokenna gelah isikapken gule-gelen ras lau inemen saja man bana, janah sie la ngkurangi arapen raja kerna daging ras kepentaren dirina. Ijaminna la ketadingen ia ras kalak si man pangan siisikapken ibas istana sue ras aturan. Kepeken ketetapan ukur ras ketutusen nggelem ajaren agama jadi sada palas nentunen pangan ras perbahanen ibas kegeluhen. Enda me si perlu sigelem ibas geluhta.